

„Ocjena korisnika“ je podopcija u sklopu Roditeljske zaštite pomoću koje se definišu godine ispod kojih se podrazumijeva da vrijedi Roditeljska zaštita za sadržaj neprimjeren za taj uzrast. „Ocjena korisnika“ se može definisati za svakog korisnika ukoliko ih ima više, a da biste to mogli uraditi morate biti logovani kao defaultni korisnik. Nakon toga, procedura je sljedeća: Pritisnite tipku **MENU** i koristite strelice **<(lijevo)** i **>(desno)** da biste došli do opcije „Postavke“, a zatim pritisnite **OK** da biste je otvorili.

Kada se opcija „Postavke“ otvori, koristite strelice **^ (naviše)** i **v (naniže)** da izaberete opciju „Roditeljska zaštita“ i pritisnite **OK**. Tražit će vam se da otključate Roditeljsku zaštitu unosom Roditeljskog PIN-a.




Unesite vaš Roditeljski PIN koristeći tipke od nula(0) do devet(9) i potvrdite pritiskom na tipku **OK**. Nakon toga, pojavit će se lista koja sadrži podopcije: Promijeniti roditeljski PIN, Popis kanala i Ocjena korisnika, kojom se možete kretati koristeći strelice **^ (naviše)** i **v (naniže)**.



Možete urediti korisnički profil kako Vaša djeca ne bi gledala filmove i programe koji imaju ocjene prema dobi. Izaberite podopciju „Ocjena korisnika“ i pritisnite **OK**. Pojavit će se lista


korisnika. Koristeći strelice **Λ(naviše)** i **∇(naniže)** izaberite korisnika za kojeg želite postaviti Roditeljsku zaštitu i potvrdite sa **OK**.



Prikazat će se Roditeljska zaštita sa defaultno postavljenim brojem 19 čiju vrijednost možete promijeniti pritiskom na **OK** a zatim strelicama **Λ(naviše)** i **∇(naniže)** izabrati između ponuđenih brojeva od jedan (1) do dvadeset jedan (21) koji označavaju godine. Izaberite jednu od ponuđenih stavki i potvrdite sa **OK**.

Sve ocjene iznad te automatski će se zaključati. Na primjer, ako odaberete program s ocjenom 12, programi s ocjenama 15 i 18 te sadržaj Videoteke također će biti zaključani. Ikone ključa prikazat će se odmah do programa kojima nije moguć pristup, kategorija i sadržaja Videoteke. Kada pokušate gledati zabranjeni program i sadržaj Videoteke, pojavit će se poruka da unesete PIN kako bi Vam se omogućio pristup sadržaju.

Nakon što ste završili sa izmjenama, možete koristiti tipku **BACK** za vraćanje na „Postavke“ ili na početni meni.



Roditeljska zaštita konfiguracije kanala omogućava isključivanje pojedinih kanala iz popisa kanala odabranog korisničkog profila. Ukoliko želite da promijenite „Popis kanala“ u sklopu Roditeljske zaštite, procedura je sljedeća:

Pritisnite tipku **MENU** i koristite strelice **<(lijevo)** i **>(desno)** da biste došli do opcije „Postavke“, a zatim pritisnite **OK** da biste je otvorili.


Kada se opcija „Postavke“ otvori, koristite strelice **▲(naviše)** i **▼(naniže)** da izaberete opciju „Roditeljska zaštita“ i pritisnite **OK**. Tražit će vam se da otključate Roditeljsku zaštitu unosom Roditeljskog PIN-a.

Unesite vaš Roditeljski PIN koristeći tipke od nula(0) do devet(9) i potvrdite sa **OK**. Nakon toga, pojavit će se lista koja sadrži podopcije: Promijeni roditeljski PIN, Popis kanala i Ocjena korisnika, kojom se možete kretati koristeći strelice **▲(naviše)** i **▼(naniže)**.



Izaberite podopciju „Popis kanala“ i pritisnite tipku **OK**. Pojavit će se lista korisnika. Izaberite korisnika za kojeg želite postaviti Popis kanala i potvrdite sa **OK**.

Otvorit će se novi prozor u kojem će biti lista kanala. Koristeći strelice **▲(naviše)** i **▼(naniže)** prolazit ćete kroz listu, a zatim kada naiđete na kanal koji želite dodati u listu potrebno je pritisnuti **OK**, ili ukoliko je kanal već označen a želite ga izbaciti iz Popisa kanala, također je potrebno pritisnuti **OK**.



Kada pritisnete tipku **OK** na odabrani kanal, pojavit će se ikona roditeljske oznake pokraj kanala, što je pokazatelj da taj kanal više neće biti prisutan na popisu kanala tog korisničkog profila.

Nakon što ste završili sa označavanjem kanala pritisnite tipku **BACK** kako bi se spasile promjene koje ste napravili. Takođe, koristeći **BACK** možete se vratiti na „Postavke“ ili na početni meni.